

班馬字類
附補遺

一





莊子字體圖考

一

班馬字類

附補遺

一

婁機著
李曾伯補

中華書局

班馬字類

附補遺

二

婁機著
李曾伯補

中華書局

叢書集成初編

班馬字類 附補遺 二冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五

班馬字類

叢書集成初編所選涉聞梓舊
及後知不足齋叢書皆收有此
書涉聞覆刻元本又有李曾伯
補遺爲後知不足本所無故據
涉聞本影印

班馬字類序

今之爲文者必祖班馬史無善注屢殆至于不能讀
故班書顯行好事者寫倣摹述之如入喬嶽巨川隨意
所適欲富者剖珠金作室者睨榱桷師搏熊豹漁人
簪魚鱉隨其淺深有求必致葢未聞有索手而空歸者
史記但有索隱意林之學其昧昧自如西漢自唐柳宗
直作文類陶叔獻繼之於是程氏誨蒙陳氏六帖與夫
摘奇博聞諸書錯出並見而予亦綴法語數萬言家爲
荀袁各得一體今構李婁君機獨采摭二史彙之以韻
旁通假借字字取之母遺如鳴球在縣洋洋有太古氣
超然新工盡掩衆作不必親見楊子雲然后能作奇字

不必訪李監陽冰然后能爲文詞學班馬氏固未有如此者去年予在鄉里得其書以冊帙博大不能以自隨姑刪摭其旨以爲序婁君清尚修潔一時儒士也
淳熙甲辰上巳日鄱陽洪邁書於金華松齋

世率以班固漢史多假借古字又時用偏旁音釋各異然得善註易曉遂爲據依機謂固作西漢書多述司馬遷之舊論古字當自遷史始以史記正義索隱西漢音義集韻諸書訂正作班馬字類互見各出不沒其舊而音義較然違舛尙多更俟增易

淳熙辛丑夏至日禾興婁機書

唐張守節云史漢文字相承已久若悅字作說閑字作閒智字作知汝字作女早字作蚤後字作后旣字作漑勅字作飭制字作制如此之流緣古字少通共用之史漢本有此字者乃爲好本程邈變篆爲隸楷則有常後代作文隨時改易衛宏官書數體呂忱或字多奇鍾王

等家以能爲法致令楷文改變非復一端咸著秘書傳

之歷代又字體乖誤日久其黼黻之字法從黼反丁履今

之史有從端音端秦本紀云賜孝公黼黻鄒誕生音甫弗

而鄒氏之前史本已從端矣如此之類並卽依行不可

更改若其鼃鼃從龜辭亂從舌覺學從與泰恭從小匱

匠從走巢藻從果耕籍從禾席下爲帶美下爲火哀下

爲衣極下爲點析旁著片惡上安西餐側出頭離邊作

禹此等類例直是訛字勅勇反字爲錫音陽以支章移反代

文問分反將无混無若茲之流便成兩失又曰先儒音字

比方爲音至魏秘書孫炎始作反音又未甚備鄭康成

云其始書之也倉卒無字或以音類比方假借爲之趣

於近之而已受之者非一邦之人其鄉同言異字同音
異於茲遂生輕重訛謬矣其論皆當併錄于此二史之
字第識首出餘不復載或已見於經子者則疏于下庶
幾觀者知用字之意也機又書

淳熙壬寅余丞宗正同年李聖俞爲簿暇日以一書相
示蓋婁君機所編史漢字類也余讀之因相與言曰古
字不多率假借以爲用後世寔廣隨俗更改多失造字
之意此好古者所嘆也以史籀之大篆或云書瀟已壞
其書俗惡已不可言叔重之說文而云野陋淺薄謬妄
欺世後之字書又可知矣西漢去古未遠文章固非後
人所及而字亦多古雖已變秦文科斗書廢要之假借
簡朴髣髴古意其興亡之大端忠邪之異趣千載自不
可誣而綴文之士又摘取奇字以資華藻片言隻字施
之鉛槧自有一種風味故誨蒙漢雋等書作者不一此
書更取史記之字合爲一編從韻類分粲然可睹其志

勤矣蓋孟堅生於東都源流叔皮以成信史子長親事武帝紬金鑲石室之藏網羅天下放失舊聞孟堅實祖之多用其文不敢改定婁君尤爲知所本矣然亦有難解者班之於馬時有遺失文意泯沒如彘肩之不言生有以起自布衣而去也夫之類殆不曉其意又其甚者垓下之圍以項羽之用兵未嘗接戰止以楚誨而潰去疑無此理至誤儒者謂惜乎項羽韓信不曾一戰引孔明仲達以爲比史載甚詳而孟堅畧不及此是可遺耶嘗有意一一證之性懶未暇婁君此書將傳於世觀其趣向進進未已或更考究以補孟堅之闕以發揮子長之餘不亦善乎聖俞啞然笑曰婁君屬我以序久未落

筆當盡以子之言寄之四明樓鑰書

余幼年從事句讀嘗見 鄉先生婁公參與班馬字類
喜其究心字學採摘二史旁證曲盡得之者可無魯魚
亥豕之惑自謂該載已備不必問奇於揚子雲矣後隨
侍 先君入蜀與諸朋友遊有老儒王揆者嘗論及此
作而曰此書所載善則善矣猶未盡也因與之考論二
史果爾晰分類析間多遺闕在蜀數年相與朝夕考訂
日積月累凡有所得書於四聲之下共一千二百三十
九字補註五百六十三因念先賢力學稽古貫穿二史
可謂詳備猶有闕焉今從而廣之名以補遺附於韻後
併勒諸梓以便學者之觀覽亦 鄉先生婁公之志也
補或未盡尙俟來者